

Basel, 19. Merz 1964
Santihansvorstadt 58 Tel. 236837

Liebi Aktiv- und Passivmitglieder vo dr Basler-Dybli-Glygge

In dr Sitzig vom Mäntigzobe het sich dr Vorstand und d'Sujetkommission vo unserer Glygge uff Grund vo de-n-Amäldeschyn und de Wunsch, wo drin g'isseret worde sinn, konschtituiert. Glychzytig hämmer d'Statute duregnoh und berainiget.

Am nägschte Zyschdig (24. Merz) drifft sich die ganzi Glygge zobe-n-am achti in dr Alte Bayrische (Ygang Stainebürg, 1. Stogg) zer Grinderversammlig. Mer fraie-n-is, Di kennezlehre! Dr gschäftlig Dail sott numme wenig Zyt in Aspruch näh: D'Statute sinn jo bereits vo 9 Kommissionsmitglieder uff 's Korn gnoh worde.

Mer wänn am Zyschdig iber unseri Zyl, iber die finanzielli Laag, iber 's Stammlokal und dr Drummel- und Pfyfferruum ebbis sage.

Und jetz no-n-e wichtigi Sach: Es fählt an Pfyffer in unserer Glygge. Jedes Basler Dybli isch dorum bätte, in sym Frindes- und Bekantekrais Pfyffer (au Afänger!) z'wärbe. Uusnahmswys derf aine sogar ebitz jinger sy als zwanzig.

In dr Bylag finde-n-Er dr berainigti Statute-n-Entwurf und die provisorischi Kommissionslische.

Also nit vergässe: am nägschte Zyschdig! Wär verhinderet isch, git mer e Kabel!

Mit Basler-Dybli-Gruess

Hans Räber

PS Es duet is laid, dass mer so kurzfrischtig ylade mien, aber mer wänn d'Grindig no vor Oschtere durebringe.

